

皇清文穎續編

皇清文頴續編卷首十一

高宗純皇帝聖製詩

樂府

君莫非

鳬脰短鶴脰長斷長續短兩俱殃
鳶飛天魚躍淵高下易置非所便
狼在野犬守戶苟殊其地各爲苦
伯仁瘦王萬肥自適其適君莫非

有鹿五章章四句

有鹿育麀於原之隰旣拆旣副不能卒起立

有鹿育麀於隰之萃旋起踉蹌見人兀不驚

鹿匪不驚爲顧其子子始學步不能遠去

叶

麀始離懷知親其母

叶

舐之彌之以煦以乳

詩何云乎以興以觀阮藉猖狂有警世言

時哉行

時哉時哉一瞬不住源源而來苒苒而去去者不可
追來者詎能駐三萬六千場瞥眼如茲度欲肆志及

時以行樂志旣不可肆樂亦安能久達者遁跡於山
水放者寄情於詩酒二者又難適從茫乎吾誰與同
兢兢兢兢業業孔皇皇汗是吾師也猶不免吾敢希
將慙愁遣

飲馬長城窟行

飲馬長城窟流來塞外水撐犁頭曼久外臣息燧銷
兵亦久矣飲馬長城窟遺蹟猶堪指埤垠列嶂幾千
年堅不山齊心不止輶輶車中臭纔發可惜蒙恬旋

賜死後來豈少防邊人良民半作城下鬼六州鑄錯
未爲癡萬古癡謀無過此

君子有所思行

君子有所思所思渺以長斯民三代民稽古溯虞唐
成規不可見數字心傳詳措施倘刺謬安用言慚惶
君子有所思所思苦民艱休養日生息繁滋逾百年
幅員倍前古匪饑斯伊寒安得徧寰中歲歲豐大田
君子有所思所思勞實多以人而治人執柯還伐柯

師古貴師意循跡徒舛訛截趾適厥屨匪愚之謂何
君子有所思所思不易得剛柔每相反克灼材與德
眷言具三有資之亮百職百職待簡畀詎能諉不識
君子有所思

井眉甃文石轆轤引統絲絲弱文石堅此理夫人知
歲月展轉久絲痕石上遺匪施琢磨功縷縷深四圍
新絲固無恙舊石艱補治乃知弱摧堅其危反難持
蟻壤及綫溜君子有所思

拂拭青銅鏡欲以照醜美將鏡側置前見他不見已
乃知明貴正苟偏明蔽耳鉤距有窮機尺捶無盡理
君子有所思萬物備我矣

雉朝飛

通閭候遲矧塞寒仲夏雉朝飛塞山據岡雉侶輝藻
翰氣滿不惜繡頸斷

叶

失者索莫得者閒揚翼決起

青雲間楚國路人或欺爲鳳賜金十倍憐其意重如
是郭隗得亦何用

反白居易陰山道樂府

有序

居易作此蓋刺時以有用之縑市無用之馬價
重而貨輕且有懼回鶻之意焉獨不諒彼時所
以爲此者蓋出於不得已耳且中行說之所以
爲漢患者政以縑絮爲無用馬爲有用是居易
亦未思及今之市哈薩克馬則不然價廉而馬
濟用且操縱在我恐無知者取以爲喻故反其
意兼用其韻

陰山道陰山道居易刺時誇詞好江淮織縑戶乏絲
紇邏送馬地空草壯馬不來來者羸誰論相骨與相
皮以五十匹易一匹和我可以觀當日豈其所願蓋
所畏漢唐以來十六七征之不能守之苦權爲和市
幣帛數易馬神志復蹄穿斫陣衝堅無用處向年西
師爲鋪敦要義已具開惑論自茲大宛遵王勅以馬
來市帛酬直帛酬直非取諸民官貰絲斤如法織伊
犁兵駐閱數歲馬供兵用勝縑綵偶令計價羸與絀

蓋比尋常省數倍縑不窮馬實多白家少傳如可問
爾謂市馬今若何

擬古樂府四首

偶讀太白金樂府全從古詞奪換而出其妙乃
過之巨篇宏作筆陣縱橫所謂挾江河於腕底
燭日月於胷中無能做亦無暇做也因取短篇
四首各擬一章非欲爭勝亦云各見其意云爾

山人勸酒

勸酒商山中此意足千古巧計墮留侯出山謁世主
四老安劉是滅劉紫微卓見誰能伍

白頭吟

相如賦長門因之得黃金如何卓文君又作白頭吟
王昭君

自逞容顏輕畫工不辭跨馬往沙漠安邊豈必事甲
兵漢家此計稱上著

于闐采花

于闐采花女意謂美勝花明妃西北去乃覺相擬差
明妃西北去安漢南朝妙策多無算何如騎馬西北
來采花人作宮中媛

詠痕都斯坦四照花玉洗用漢樂府相和歌體
琢獬肋之盈匊晶瑩山輝鏤蟬翼以隨規潤研
水磨耳蕊垂而雙卷趺藕結而層承美惟西極
斯通貴豈南琛可尚花開四照偶徵迷穀標名
組集五言聊擬戲蓮具體春華秋實擷佩皆宜

月檻雲窗詠歌是適

花開四照東扶桑旭暎紅千葩將萬升頭踏領春風

花開四照南生意芳蕤含迦葉底微笑拈處示瞿曇

花開四照西細葉扶柔荑設擬離山種

上聲

佩之應不

迷

花開四照北如脂好顏色貯水問何宜惟宜入功德

四言詩

敬

天勤民寶四言詩

有序

皇祖御書鈐用諸璽

皇考制箱以藏之惟留是寶於外以鈐用

御書予小子敬遵成典收藏

皇考御寶時亦留是寶於外常鈐用焉是寶也經

三世而一例寶用且將垂之奕禩而無窮豈以追琢

其章哉蓋取義有足重耳故記其梗槩而系以

詩

交泰御璽定數遵

天

國朝傳寶向貯交泰殿中予詳加考定凡二十有五以符天數并爲之記且著成譜藏之內閣云

掌之黃閣傳以億年粵是諸璽綴文寓意玉案揮毫
以資抑埴栝櫟弗用篋衍尊藏繡縹金鐫永閼虹光
惟此截肪用以

三世匪貴其材實珍其義其義云何敬

天勤民

祖考是最逮於藐身

天視民視

天聽民聽一二二一作狂作聖挈綱提要四字心傳
於千萬葉永矢乾乾

短歌行

陟嶮行緩降原行疾兩足何心其勢乃必錙銖致富
良苦乃翁子弗克家坐致困窮從善如登從惡如崩
古之君子業業兢兢水東弗西日今弗昨少壯過矣
老大迅若聞一知二賜亦稱賢創業較易守成則難

過殷比干墓

天地之經君臣之義貴戚異姓同歸一致與社稷共
逝將焉避孰丁其難孰丁其易嗟哉斯人遭殷之季
罔爲臣僕先王獻自披瀝以陳甘於殞棄五畝佳城
千秋弗墜夫子適周載經柏隧早許三仁詎惟四字

短歌行

北愁春旱南愁春霖以彼易此實獲我心北旱愁多
南霖愁少自北徂南厭哉行潦北雨今足於恒爲喜

而我適南愁復不已
愁喜倒置不近人情
匪我則然
兩兼孰能

短歌行

貪者言廉亂者言治
雖知其非不如一試
血勇面赤
神勇面白彼勝於此
不如無迹責人也
詳責已也廉
既知之矣何用詹詹
爲臣不易爲君實難
匪今斯今
自古已然

雜言

戶樞不蠹簷溜乃穿齒剛易壞舌柔常存謀國則否
謀野則臧兩爭曰弱三和曰強負郭二頃相印無期
雖有鉉鉉不如待時

兩韻詩

膏以明煎玉以英錯智者千慮愚亦一得伐胡見戮
築牆見疑非知之難難於處知虎威以爪劍利以錐
強弩之末魯縞示弱達人知命君子見機滅竈徙曰
言戒非時

夜夜曲

夏夜苦短冬夜苦長河橫斗直東參西商豈無美酒
戒之在旨豈無清歌聽不爲喜中宵起坐曰有軍書
機緊未中遙望踟躕蘭室之溫沙塞則寒自我懷斯
於今三年

禽言

剛刀割麥剛刀割麥一日不閒十石乃獲
趁晴莫俟毋得晏起持穗雖完更須礱米

老扈老扈催收休誤隆古以來已知其故

集石鼓所有文成十章製鼓重刻

避我車既工攻避我馬既同避我車既好避我馬既

駢阜君子員二云邁二獵其旂麇鹿速二君子之求

右一

八句凡二十九字重文三

廊廊猷音合衛道允戮熾佳維宣天子謂公辻徒

我其呂以鬪田簡辻徒迥狗衆除術道具駕毆避我

駿馭其亞帥避我弓其射

右二

八句凡三十五字

亞車趨二

趨

樹首

車遺二

續

左驂駮二

敖

右驂駮二

音速其旃

丑若反司馬相如

大人賦休鑾奔走其旃

未詳

旛二

君子其

來導

導

避我

鳴鑾

右三

八句凡二十六字重文六

毆車趨二

丑亦反

行聲也

軟

策

馬趨二

音

慙

導

叔

彼

蓋

蓋

還

原

齊叔

彼

大陟

陸

彤矢鏃二

鏃

鹵

鹵

弓筴二

音

臺

其旃

轡二

音洛

君子其來

右四

八句凡二十
七字重文五

過來驄二

音堅寺時

余卅三

十

里余射鹿于茲六轡寫

卸

止出勿駭

憂

微霧

霾

或以時雨遶

原

溼

隰

陰陽霈

靈

帛

泊

舉

華

邀

籟

天子之所

右五

九句凡三十
七字重文一

其淵毆

也

孔深帛

泊

淖望二

洋

泊二

汚二

泛

瀉漫

之

一方其魚不識

烝

佳

維

鯀

鯀

鰭

鰭

鮪

鮪

音白

又校

楫

又畧

右六八句凡二十四字重文四

其序阪又多對為機機音格音械樸楊柳及梟栗既氏

祗祗既柞如算莽如箬及率華及碩禽輪翰適收宮以

寺時而乍作

右七八句凡三十四字

其邈原孔戾獸直迺寧寧處麋豕獐豚蜀嶺麀鹿雉

兔趙二音其昊古老反趙二音其虎左驂馬執之大

黃弓射之

右八

八句凡三十
二字重文二

卽鹿又奔搏磨又真

填

鮮籃

蒨

時百

旨

異胡

音拉

今

雅膜謂

是申如天之嚮

喜

潘迪

作嘉

朱彝尊

石秀

鼓考據

施宿引

說文作喜

秀

之眩

博

甄藝

員云

乍作

微二

未

庸二

詳

卽以寫樂

詳

未

卽以寫樂

詳

未

卽以寫樂

詳

未

卽以寫樂

詳

未

右九

八句凡三十
字重文二

辻

徒

駿馭

既射避

我

馬載止

用賢孔

度康

二救

鞞

治

治

治

治

治

治

治

治

治

治

田車旣安日佳

維

丙申用各爲章害

曷

不永寧

曷

曷

曷

曷

曷

曷

曷

曷

曷

曷

右十

八句凡三十
一字重文一

皇清文頴續編卷首十二

高宗純皇帝聖製詩

五言古詩

見初耕者示直隸接駕官

前朝密雪霏將謂暖尙賒時節不相讓卽漸轉暄和
風物融以盎山川潤且嘉眎彼芳原草亦復舒萌芽
溪流曲抱村茅屋三兩家前驅徹警蹕厯厯策騎過
有叟牽烏犍服犁翻春坡布種者其子云是麥與禾

低田已堪耕高田功倍加問彼去年稼謂比前歲多
稍可足衣食尙難供差科我聞默然念作君之謂何
斯民三代民直道行無頗饑溺切已懷一體理則那
嗟爾良有司漫事德政誇與民共休息劉方豈伊遐
春泉

春泉出乳竇力弱流涓涓散爲噍殺琴澄爲甕井天
愁彼石澗底麤鼠腹豈便微澤尙其屯安滋萬頃田
老農事枯槁手足疲轉旋溝澮乏活流望雲眼空懸

旦晚時雨零萬彙呈新鮮一犁潤且溥奚論東西阡
泉膏無所需而彼方淙然漲添鏡面池飽飲鶩與鳶
不惟浮楊葉其力乃載船利物在適用違時何藉焉
我願爲政者勤求濟世權

晚陰

微雨纔霑潤芳原已回綠早燠氣稍解究未優且渥
近苦劇炎蒸朱鳥騰赫昱二麥固無收所慮種與稂
我聞古賢臣尚爲百姓哭緬居兆庶上返已實慙慙

休徵艱感召玉食我忍獨晚雲羃西峯爲霖頻默祝
何當簷溜傾勝瀉珠千斛

飢魚

洿池寬數頃潏沆育衆鱗曾無網罟施孳息日以紛
春風桃李花秋月蘭芷瀕雙下鷺不窺羣泳人堪親
譬彼武陵源鷄犬皆天民我來坐石磯匪爲羨垂綸
魚亦識其然喁喁爭張唇點波投飯餽不分鱖與鯢
既飽洋洋去煙水濶無垠從知雖棄物適用皆爲仁

狗彘食人食大戒古所云必芻施伊蒲隨喜魴鯉羣
所戒我不爲所喜詎有欣偶作飢魚詩如如眇澄淪

盜泉

在天有日月在地有谷岡晝夜難易職高下應有常
君看繞指柔終非百鍊剛盜泉何人傳乃在寶主鄉

見法苑珠林

孔子忍渴過此語殊荒唐不聞魯柳跖初因

酌其漿志士恥穿窬君子戒慢藏有水何妨飲無物
安得將隱之汲貪泉清操凜若霜豈其宣尼聖見乃

遜彼行常謂盜利人所慕橐與囊其志實甚卑其害
亦易防更有盜名流魚魚儼冠裳可變白爲黑能使
臭爲香何曾飲盜泉薰心終自戕謂人不汝知屋漏
形影彰

朕御極十年蒙

上天眷佑海宇乂安藏有餘積特下詔賜蠲丙寅年
直省正賦以昭勤恤民隱之意非沾惠也因
紀以詩

維

天作君師繼序撫八埏國本云何培端惟育黎元我

朝戴

帝貺聲教訖海堧

三聖丕顯承垂裕我後昆小子實德涼幸得蒙業安
兵戈偃四方熙和今百年水旱雖時有恩膏曾未屯
縱免填溝壑豈乏歎飢寒左藏旣羸積况無侈費繇
古人亦有言宜藏富於民蒼赤被休息戶口日以蕃

念彼維正供幾經催科煩閭澤以時降十行大詔頒
詎惟賜半租更復遍九寰宿昔讀魯論博施聖所難
匪徒行小惠蘄獲萬民歡但覺損益道其機實循環
上盈斯下絀旣富教可言嗟我良有司勤求化民權
所望閭閻間風俗漸還淳

讀貞觀政要

君子慎言行其發乃樞機出身發乎邇千里應在茲
所以古聖王左右史有司匪惟記善惡亦以謹起居

^叶遙遙三代下不乏爲君師漢文唐太宗高山子仰

跂^叶漢帝質無忝唐皇文有餘^叶至今政要書炳然

法則垂求賢與納諫簡編多令儀獨於觀史事不能

我無疑文皇信英辟易理豈不知九皋鶴聞野榮辱

應不違詎藉金匱藏却觀知所爲遂良執簡記傳信

恒於斯秘之不與觀固也非達宜禮云記勳言非禮

戒宴私不觀史何據或者其未思善哉劉洎言人君

日月齊設遂良不記天下皆記之復如封宇文至唐

皆進規使其記隋事筆應多詭辭豈能掩煬惡煬惡

誰直書

叶

檢近稿偶誌

少小學爲文韓蘇有卓型別裁及詩格李杜真前旌
立言人所志見道羌孰能自讀宋儒書始知朱與程
詔我爲學方主敬與存誠空言信何補要道在躬行
矧茲繼百王君師任匪輕衡門有遺賢安能致諸廷
溝壑有餓殍安能飽以羹返已率多慙佳文何足稱

有時雨未降披衣宵立庭旣霑或苦潦踟躕復望晴
黍高稻宜低夏耘春勤耕望杏杏未紅瞻蒲蒲已青
織婦慮寒心農夫望歲情茅簷艱苦狀彷彿常共賡
結習難盡除聊如勞者鳴工拙非所論歲月差可徵
詩史讓少陵我作方農經

焦木

焦木橫山阿禿兀盡餘枿青黃曾未施枝葉已全脫
僵立碍綫路成陰憶叢樾雨露雖均滋死灰豈復活

烏鳶不顧棲巖巖時跋躑何年經六渾炎官威尙烈
聲不中孤琴色仍作青鐵成質斯有壞修短何分別
謂云山木壽莊生殊未達

女蘿

女蘿本柔物賦性善依倚不勵自立心曾無無恥恥
古柏干青雲生意殊未已女蘿羨高標欲因以託已
攀援上絕頂亞枝吐繁蕊初猶藉其勢與柏相表裏
繼則竊其權豈肯知足止雨露所滋潤惟蘿受之耳

束縛偃矯身乃日以槁死我惜柏失計禍匪因蘿起
君子近小人害不視乎此

競渡

此俗始荆楚特以紀歲時初因弔忠悃相沿競水嬉
夏五真夏五風日薰且熙况當膏雨霑應節聊拈題
昆明閃金波迴堤燦蜀葵中流九龍舟誰肯相參差
黃帽雙飛槳綵縷五色絲紛逐錦標得懸望霓旌麾
旣間旋亦寂憑觀有所思我觀競之義所包未可涯

聊舉數端言以當一解願四時惟其競雙九日夜馳
江河惟其競東去不復歸大鵬競圖南翼若雲天垂
蟪蛄競春秋各各不相知其間人更甚率被名利羈
大禹競寸陰陶侃較分釐所趨背膺判同懼晷刻移
惟競所以勞其勞無止期故無競維人四方其訓之

秦女休行

置酒且莫飲聽歌秦女休女休窈窕孌持刃能報讐
亦知殺人死復抱不共羞二者難並行取義生敢偷

瞽血濺素裘瞽身委荒邱志伸身亦全遇救豈所謀
豫讓烈男兒吞炭空喑喉

搖扇

搖扇風卽生自然非勉強天炎風亦炎氣爽風亦爽
謂風自扇出風性應無兩謂風不藉扇扇收風何往
祝鮒不能辨公輸難措想明有時而暗泰山蔽一掌
智有時而愚揚聲以止響儵忽喪混沌神珠得罔象
誰能去安排豁然天地朗

擬古四首

王右丞維 飯僧

覆釜大導師結言過我廬便掃柴門徑佇立以待諸
指點雲裏棧看師卓錫徐呼童炊胡麻薦以雨後蔬
念此塵世身饑飽常與俱設能忘身世其樂復何如

孟山人浩然 待友

我有好古懷在山懷綺季古人不可見之子乃其類
荷裹脫粟飯童將漉酒器山水最佳處期君君不至

虛擲此芳晨
頽然成獨醉

韋左司應物
寄舊

涼夜寂無眠
幽齋此獨坐
竹樹暗影流
風月今宵頗
靜對誰共言
翻使雙眉鎖
一別兩蕭條
知君應似我

柳員外宗元
溪上

謫居亦吾分
豈爲簪組累
況此林泉佳
足養烟霞志
鐘籠吟晚籟
鷗鷺盟素意
時曳溪邊杖
幽花弄明媚
野人相往來
所談無俗事
傍浦問魚苗
向天數雁字

三閭不我遙欲訪行且置

拒馬河

蘆荻莽孤煙鷗鳬集寒渚竹箭退秋深沙痕露遠嶼
舟師底用呼浮橋舒燕羽俯瞰激湍波仰眺空澄宇
橋上往來人秋懷夫幾許

石門店示直隸總督那蘇圖并隨駕地方官

負山以爲郭環之清淺流田家無背勢取次成村陬
東隣復西舍豆架更瓜疇工圃飽於茹學稼漸有收

是時諸務畢，賽社椎肥牛，築場地，鮮隙比戶，人無愁。
莫知苗碩輩，亦道今逢秋。熙熙胥樂康，厯覽豁雙眸。
吁此石門店，往者數經由。黃塵暗遠天，春旱鎖眉頭。
白水積低田，秋霖切已憂。此景曾幾見，額感大造庥。
隨行封疆臣，給事干石儔。來來聽余言，繫子有後謀。
耕九而餘三，屢豐毋或偷。旣富曰教之，吾聞諸前修。
催科幸未加，休養尙應籌。否泰况循環，持盈可懈不。
與我共此者，舍汝其誰求。後樂縱不無，先憂豈有休。

阜平縣

朝過阜平縣霜華散輕寒宴溫朱鳥暉依微墟里烟
一老跪道左皤皤實可憐將欲賜之金匍匐前致言
謂駕由此過首被皇恩旋豈敢重受賜不知止足焉
吁此迎鑾人奚啻萬與千得隴還望蜀尙且增其年
等差寧過優誰惜此茈茈是老獨異恒可謂耆而賢
十室有忠信吾聞諸文宣亟命重賞之教汝曾與元
淳風在閭閻對此一忻然

閱滹沱河隄工

徒駭舊津谷其流無定所源出大戲山經此達直沽
頻年漸北徙行恐侵村墅會允方伯請建隄資捍禦
臺懷返六轡便道戾茲土混流迤郊南延緣勢一覩
菱葑積崇崇魚鱗排齟齬防險常若斯何慮波臣鼓
更喜沙痕漲俯視成洲渚禹行縱未能潘治不無補
明潘季馴治河最善高斌常敬服之蒼烟淡靄間極目稍延佇波寒魚
在潛荻老鴻辭激策鞭可亂流無待冰合浦誰能麥

飯亭真僞勞稽古所幸奏底續萬石慶寧處

蓮池書院

西巡返翠罕東道駐樊輿蓮池舊名蹟停轡覽斯須
閑齋十笏強小園五畝餘建插引盧水滙爲明鏡湖
俯欄有遊鱗護波來飛鳬不謂城市中而與林泉俱
吟咏息冠蓋絃誦聚生徒必有取義耳詎惟玩物乎
茂叔標淨植所愛寄芙蕖晦翁創白鹿覺牖垂芳模
瞻彼萬卷樓守此一經鋤一經苟或通萬卷埋不殊

昂哉佔畢流學爲君子儒

白雲觀

清都閼歲年咫尺鳳城西舊蹟傳日下愧我未留題
西巡返翠華陽月迎朝曦迤邐阜城門紫府路左陞
詎爲遊仙來聊因便道宜延緣步石闕揭要雕橫楣
雲章鳳篆間將謂多神奇圓圓圖太極鼻祖自濂溪
七真殿實古聯語出張芝

殿內孫岳頌
字甚有筆法

如何舍孔孟

而云交坎離淨室最幽閑墨胎坐處機設云藉是傳

非得乃失之木鉢誠臃腫

室內真人鉢可容粟一石相傳通密自塞外攜至者

似有妙偈垂其後時塗閣拾級登雲梯

帝載無不通何況儼在茲瞻禮祈有年所願恒如斯

徘徊撫庭植松柏擎虬枝約畧考建置細睇無年碑

兩朝垂寶翰

觀內復有

聖祖賜匾最多世宗御書福字

煥若雲霞披

懿此長春宮佳勝孰與齊含毫紀初歷風日洵恬熙

廣成世間少訪道且遲遲

過獨樂寺戲題

我是先憂人羞稱獨樂寺獨樂樂無著先憂憂未望
寂靜彼禪房往者曾題字春風馬上看自哂成何事
梵宇久凋零落色源流畫云胡無礙佛運亦有隆殺
闍黎志安飽六檀非所快頽風不獨茲若曹奚足怪
滌襟泉

山以有泉靈此語聞自古如人血氣充益晬還由觀
離宮枕崇麓舊接棲禪所宛宛露石竇涓涓出玉乳
深乃不可測輪將三尺許天然謝疏鑿酌用供甕甔

不聞馬蹄跑得無龍口吐滌襟我所名每對消塵緒
纓足兩無濯聊因悟自取徘徊俯清照髭眉皆可數
却見英英氣去作雲幾縷爲喜消息佳朝來釀靈雨

詩思

孟子稱原泉盈科喻進修昌黎論爲文水大物畢浮
左右逢其源自得非外求蓄極乃沛然放海誰能留
詩思夫如何將毋同此不李杜光萬丈緣自性中流

題蘇武帛書事

幾閒披漢史子卿節義垂皓首羈王庭匪石心不移
漢使天南來常惠詭致辭天子射上林得雁太液池
言武在某澤以此武得歸耳食者無識端謂誠感之
智者尙譎詐更謂胡可欺胡人縱淳朴豈其無覺知
此事有端委正言辨羣疑春時雁北鄉止於西北陲
其地有巨浸浩渺如天池退翎換新羽抱卵育雛兒
當其換羽際展翅不能飛徒手可捕得無待矰繳施
單于稱武死用絕漢主思適聞得帛書翻信武所爲

生還雖賴天物理固有宜郝經用此道公案曾重題

格物

風人咏芍藥而未逮牡丹甚盛始李唐名諫河洛間
拈毫品花者著眼徒拘牽強與分君臣耳食踵訛傳
其實本一種亦無相後先試看四生類皆自盤古權
豈其於芍藥而乃特異焉其本殊草木始蓋受於天
木者早發華錦苞誠麗妍香氣或稍遜凋零迅可憐
草者每後時朶讓鼠姑鮮艷香乃過之榮常兩月連

豐此嗇於彼萬物理固然格物有會心因以成詩篇

夏至齋居

元祀儼將臨遷坐凜明旦讀卦玩金柅無時卜石燕
豈惟例徹樂早已勅減膳修省切衷獨愧以論羣彥
驕陽烈中天炎風蕩廣殿廣殿清嚴所尙不禁煊曠
傷哉彼稚苗待澤亟隴畔日暮未興雲翹首益增歎

雨五月廿

一日

急風驅殢雲倏忽天際馳剛憂望復孤翻幸密雨隨

始看迷遠山旋覺濯庭枝沛然作盆傾簷響明珠垂
所惜時不久纔得二寸滋東西十里外來往人之辭
云已十分霑此事吁可奇昨自龍潭迴龍神果有知
應無遠近分豈其偏所私

黑龍潭左近亦報透足

繫予德誠薄

示警固如斯而民其何辜輒以災歉貽予向曾有言
譬之方伯司愆尤設自召亦惟懲罰之詎因彼一人
罪民夫豈宜疾痛呼父母

皇天尙鑒茲連朝固難冀盈尺庶可期聞之田家言

秧苗遇旱時其根至黃泉不雨猶可支雨不霑且足
助長翻成萎根或至中斷神農難爲醫展轉悟政理
屯膏我不爲

剪園蔬賜大學士及內廷翰林

快雨喜新晴景物無不嘉農田高下足菜圃生意加
我偶步羣町問彼園人家攜筐爾何爲采擷毋乃過
此非根莠比豈慮妨嘉禾老翁笑而言所賴暘雨和
紅芽與紫蒨怒生不延餓設其惜弗取過時徒老柯

語良合至理凡事戒蹉跎分賜趁朝涼露香熨齒多
變理有共責詎止供透迢

飢金魚

金魚魚中譎可看不可食而反被人憐潛泳殊自得
常叨投餌惠訖無上鈎厄彼雞能司晨酬以稻粱澤
彼犬善守戶敗肉匪浪擲爾魚獨厚幸恩波託太液
日費九十餅尙歎霜降迫縱不無竊饋飽食日以息
文采洵可觀問汝曾何德虛糜莫甚茲畜爾誠奚益

鸚鵡

鸚鵡能人言所言自不知人讀聖賢書如書行者誰
嗟哉人禽關其差在毫釐執簡佔畢流胡不切已思

九月朔日作

夜雨漲野水曉風驅絮雲驛路九秋景客鞭涼露晨
鹿柴有人家烟火東西鄰塞行將及月聞雞意却欣
萬里玉關外憶彼長戍人

山田

山田率有收其說頗嘗試陂陀易疏洩霖雨無憂積
氣潤蒸霧露便旱猶霑泊所以其生穀短莖而碩穗
屈指數年間五過乃豐四去歲山左歉賑恤亦云備
所濟究難遍災黎羣走避攜妻負其孩來者以萬計
亦有筐盛種或乃犁拖犂墾闢荒确謀食聊託寄
長吏漫遮迴輕去豈其志幸得免溝壑何分内外地
幾見榆關外耕作恣民意以此畧爲慰更復念不置
聚者日以衆地利已無棄穀賤則傷農天時況難必

叶
嗟嗟守牧臣豈不深長思

御門

禁門咨庶事常朝接羣彥銀蟾尙餘光蓮漏初停箭
慄慄切獨懼魚魚偕衆選豈其旅進退實以資匡贊
坦平文石陞淨潔龍書案勗哉亮采儔佇爾嘉言薦

含經堂

築牆所戒雕構宇何須峻階迎花木幽室貯琴書潤
珪璋煥文府禮樂遵先進躬修企高堅氣質消鄙吝

學後知不足道豈靳聲聞推行慙去聲前規憂盛撫鴻
運惟此恭默思菑畚守經訓

冬前勾決重囚惻然有感

生物天地心循環運貞元肅殺與生長迭用徵化權
奉三百王道善長在體仁不得已明刑弼教意有存
元冥已司令西曹封事傳囹圄諸重囚勾決例冬前
三覆敕給事衆議集閣臣嗟嗟爾羣工敬聽予一言
其諸邪淫流實因風俗剽盜亦豈其願爲迫飢與寒

我爾應試思致此誰之愆慚愧之未遑更何容心焉
死者固已矣曲求生者全非理得倖生誰伸死者寃
永惟歐公文三復增惕乾

東阿

治國有常經旌賢退不肖善哉齊威王賞罰不顛倒
考政在田野文飾安能冒定人在素行毀譽豈足較
卽墨應受爵適當勤勞報彼儉阿大夫烹之不爲暴
卽境思古人惕然識政要一國近易察天下遠難照

所以闢四門重華垂有耀

望徂徠

徂徠亦云巍千秋鎮齊魯北望比岱宗拳石如培塿

叶

馬上看山色雲生山四宇松年想何若畫意乃爾
許六逸懷竹溪高風迷處所

夜宿岱頂

攀躋凌嶽頂僕役亦已勞行宮恰數字舊築山之坳
迴與天爲隣滂然雲作巢依欄俯岱松憑窗盼齊郊

于焉此休息意外得所遭恭誦對月詩

皇祖有
代頂對月詩

徘徊惜清宵

傍晚雲霧收近霄星斗朗仙籟下笙竽天花入帷幌
神心相妙達今古一俯仰始遇有宿緣初地愜真賞
清夢不可得求仙果癡想

別嶽

登嶽快晴明別嶽遇風雨此事亦偶然何足陳諛語
况茲遍郊麥青青二寸許待澤正斯時渴望愁農父

狂風慣吹雲細雨未霑土彭怒不肯讓如膏亦奚補
連年水旱災偏萃於齊魯縱發帑粟施豈救流離苦
哀哉煢獨民慙爲汝父母

叶

珍珠泉

濟南多名泉嶽陰水所瀦其中孰巨擘趵突與珍珠
趵突固已佳稍藉人工夫珍珠擅天然創見訝仙區
卓冠七十二分滙大明湖幾曲繞瓊房一泓映綺疏
可以滌心志可以鑑眉鬚圓流有靈孕顆顆旋相於

乍如歷海嶠鮫人捧出餘又如對溟渤三五呈方諸
作霖仰

堯題

皇祖有觀珍珠
泉詩並題扁曰作霖

澤物留神謨我來值暮春

農夫正新畬看彼芃芃者欣此涓涓如安得符

聖言遠近均霑濡

襍詠四首示東省巡撫及諸臣

救荒無善政舊聞今見之堯舜豈非聖然猶病博施
帑粟縱不惜承宣繫有司巧者矜才智拙者無能爲

更或圖息偃體察致漏遺復有尤甚者剋民飽其私
罹法徒自戕於民終無裨爲告方伯臣讀子襍詠詩
襍詠非詠物切切念民艱反躬先自責調幕無能焉
嗟此齊魯民被歉已連年富者日以貧貧者更罄懸
計口縱授食日月乃苟延任卹有常經爲之在得權
設任貧室索富家難盡全一言以蔽之錫豐端賴天
賴天佑此方延頸長仰企其如格無術忸怩慙靡已
京畿及豫吳春霖均霑被而胡膚寸合偏遺在尺咫

芄芃隴中麥彌望盈千里十日雖可遲一犁亟其俟
絮雲纔作勢顛風繼以起躊躇增百憂邂逅親見此
親見忝民瘼更切飢溺心流者雖比比居者仍林林
無怪穀踴貴糠粃登金鬻轉徙難坐視遮留應酌斟
資送生冀倖更患胥役侵凡爾守土吏孰無牧民任
叶
體予如傷懷盡爾一念忱補救各勉殫雨露天難
諶

膳榆餅

榆莢過清明圓錢綠雲色湯官供節物五熟蒸如式
翠擬春蠶爾薄似秋蟬翼可口縱甘滑因心生愴惻
此邦民浮飢溝壑多匍匐草根尙充腹是物應難得
惠鮮縱不能忍更奪其食

余省仿宣和三思圖

粉木出宣和秋江渺淡沲離披蘆幾莖搖落蓮一朵
麤麤三公子潔羽修而蹕騰聲五百年錦綉經收裏
余省寫生手倣摹亦稱頗稍命展擴之宛見薪傳火

藻績貴取意會心理則那於魯有賢臣三思事求妥
晰義苟未精多慮反成瑣賄齊計固乖出僕志終果
未如文子人三思亦云可

七才詠題韓滉畫卷

七才子過關事不見書傳而前代畫家每傳爲
藍本其姓氏紛紛聚訟迄無確據近得韓滉所
繪長卷卷故膾炙人口特標有姓名者五而缺
其二旁稽博証卽李東陽楊慎諸說而折衷之

當以王維岑參爲近似爰補其闕而各系以詩

宋之問

綵樓選句日翩翩美少年那知驢背上鬚髯領七賢
世代攷莫窮姓名忽已傳足稱忘年交堪比登仙船

崔顥

司勳亦俊才佳句如陰鏗忽入畫裏看少年憶渭城
如何冒風雪聯轡將焉征

王維

透得詩書禪逢場聊作戲韞玉山故輝含珠川以媚
破帽與篋衣裝束殊高致試看一鞭揮維摩果不二

岑參

馬上執青簡遙識爲叅軍清辭留人間遑遑如吳均
詩人多坎坷流寓劍水濱胡爲別杜老而追作者羣

史白

諫議偶儻人丰姿秀堪睹正史獨遺名發潛可惜許
騎牛過函關關尹曾逢否

叶

介紹岑李間莫逆忘爾

汝有子世業傳飛白繼其武

李白

意不喜長安賜金得放返惜騰策蹇驢酒氣餘燥吻
高節超塵寰浮名何增損若將比竹林位置嵇與阮

高適

達夫尙節義其詩故可傳據鞍意自殊默構成佳篇
韓相留墨妙致我思古人

叶

獨惜有遺外杜老與浩

然

五君詠題錢選畫卽效顏延年體

竹林之游名豔典午延之著詠黜山王而標以
五君其見卓矣元錢選爲各寫其象而書顏作
於後展卷間其席地幕天縱情任達高致可挹
也爰效顏詠各成四韻分綴其上

阮籍

嗣宗青白眼傲睨人間世行不拘禮法學乃通神契
高論祖蒙莊正言折蔣濟蘇門鸞鳳音夫乃知不逮

嵇康

疎懶蝨不除了飲髮任亂許由美棲巖子房輕佐漢
逸躅託雲霞浮榮判冰炭徘徊顧日影絕矣廣陵散

劉伶

沛國更不羈陶陶忘所以鹿車散漫遊寤寐視生死
心醒身任醉器度誰能揣不聽婦兒言粗論含至理

阮咸

仲容能豫流放達蔑儀度嘉話至今傳犢鼻掛大布

山公號精鑒，磬折心生慕。累騎追婢歸，或亦失真素。

向秀

叔夜性既巧，子期亦佐鍛。探道論養生，往復相辨難。
巢許不達堯，辭遁心無憚。三詠西邁賦，終始交情見。

秋瀾村三首

築舍纔幾楹，買地剛數畝。度里一由旬，

梵云四十里爲一由旬，茲

去易州永慕齋里數恰如之。

迴鑾當路右，村名愛雅宜。秋瀾霜降

後，潦盡寒潭清。風微玉波瀾，生香餘野田。澹靄帶疎

柳度橋卽得門憩宇聊開牖雕峻古所戒茅茨今何
有

行宮新結構花木未云繁偏有冒霜菊叢生老瓦盆
可愛田家物榮茲野憩軒柴桑呼欲出彷彿其人存
有收農亦苦納稼無休歇霜薺飽薩波夜火燃楫枹
村村景象佳冬麥綠蓬蔚覽茲增額慶吟情因以勃
青齊秋復可更解愁懷鬱

清和

清和天氣佳膏澤遠邇逮二麥旣望秋禾黍亦均藝
往年春苦旱愁雨都成例今歲何厚幸優渥霑

天惠淡蕩天宇明極目空澄際時縱作微風風止無
塵翳予心以稍慰庶政籌次第況復息兵戎來格服
番裔賢輔日贊襄庶明職交勵永維保泰機乾勉持
盈計

黑龍潭

趁爽事山遊靈潭近廿里蘭衢露氣濃夾路黍田美

麥秋已登場村墅堆如坻相聞雞犬聲勃見炊烟起
歡餘看不足緩轡行迤邐仙宮標層巔如吐青蓮藥
拾級登巉巖廟貌虔鞠脍非祈亦非謝邀貺誠多矣
際和敢忘惠加敬庶綏祉小憩默以思絜矩爲政理

戲詠貧

不苦貧於學學富徒勞已豈苦貧於財不言無與有

叶

伊余亦患貧貧於得吉士蒐羅勝辜摧惟患不足

耳大選詎可廢旁求出無已或則諉不知曠官豈其

理此貧鵲豈醫其難堯伊始

歐雀聲

苗秀已將實歐雀聲聒耳今年晴雨時結穗均累累
雀利亦何妨而人猶惜此清晨至夜闌譁謹殊未已
因之識農艱屢豐勞倍莖是雖疾厲音中有無邊喜
示七弟及諸皇子

汝曹讀書久茲命隨時巡詎云事嬉遊吾意良有因
祖制不可忘勉繼在後人汝觀此稼穡勤哉勞萬民

卷之二
名
一
二
汝觀彼部落何以來相親乘馬汝安逸僕役殊苦辛
深宮汝豐裕部屋多窶貧見獵可悟學射鹿應懷仁
絜矩汝其獲大旨斯畧陳

遊東甘澗古中盤諸勝卽景三十韻

前朝登絕頂已暢千里眺茲復值餘閒一盡谷中妙
凌晨視庶政批覽理京報日午凍雲晴山風寒不峭
苑牆出便門巖蹊取直道叶遂詣東甘澗三間栖遂
廟香燈祠變相戍削殊古貌小樓一俯視約畧得其

竅西甘澗咫尺入望偶未到仍尋向來路盤迴度雲
嶠松門界別徑石闌開天奧蒙茸攀烟蘿詰屈窮水
隩仄棧厯巉巖深林撻茂冒始過石橋北精藍喜親
造外狹而中宏所以他難較千金買勝事布施聊可
敦常輕福云種頗爲山增調結構不更侈丹青已重
耀別室故精潔秋老金英笑開窻縱遠目果愜心所
樂東職見滄溟一杯誰可醕西睇指帝都萬情豈勝
料近者高下峯摧峩復宵篠紫翠纈茈虢卉歛奏崖

麥是乃最佳處允宜智仁好因憶韓昌黎馬秣車云
膏真隱應在茲反悔向所誚興盡歸山莊西陽未委
照際和偶懷紆稱豐戒滿召叶明朝駕言旋勅幾勤
體要

醫喻

醫術素不知醫理可推曉不出補與剋二者不同道
補或邪火乘剋或元氣耗叶但期無病佳投醫無一
好肘後誰則見扁鵲從來少寬猛爲政方視此何殊

調叶陸氏有名言庸人戒自擾

閱永定河隄因示直隸總督方觀承

水由地中行行其所無事要以禹爲師禹貢無隄字
後世乃反諸祇惟隄是貴無隄免衝決有隄勞防備
若禹豈不易今古實異勢上古田廬稀不與水爭利
今則尺寸爭安得如許地爲隄已末策中又有等次
上者禦其漲歸漕則不治下者卑加高隄高河亦至
譬之築寬墻於上置溝渠叶行險以徼幸幾何其不

潰胡不籌疏濬功半費不貲

叶

因之日遷延愈久愈

難試兩日閱永定大率病在是

叶

無已相咨詢爲補

偏救弊下口畧更移取其趨下易培厚或可爲加高

汝切忌多爲減水壩亦可殺漲異取土於河心卽寓

疏淤義河中有居民究非久長計相安姑弗論宜禁

新添寄條理爾其覆大端吾畧示桑乾豈巨流束手

煩計議隱隱聞南河與此無二致未臨先懷憂永言

識吾意